

佛說法句經

上

四百卅六
獸一

51055



皇國聖固
 佛國增輝
 帝德彰彰
 機輪常轉
 山嶽升平
 法金剛後
 置

皇國聖固
 佛國增輝
 帝德彰彰
 機輪常轉



法句經序

歎

曇鉢偈者衆經之要義曇之言法鉢者句也而法句經別有數部有九百偈或七百偈及五百偈偈者經語猶詩頌也是佛見事而作非一時言各有本末布在諸經佛一切智厥性大仁愍傷天下出興于世開現道義所以解人凡十二部經揔括其要別爲數部四部阿鎗佛去世後阿難所傳卷無大小皆稱聞如是處佛所在究暢其說是後五部沙門各自鈔衆經中四句六句之偈比次其義條別爲品於十二部經靡不斟酌無所適名故曰法句夫諸經爲法言法句者猶法也近世葛

氏傳七百偈偈義致深譯人出之頗使其渾
惟佛難值其法難聞又諸佛興皆在天竺天
竺言語與漢異音去其書為天書語為天語
名物不同傳實不易唯昔藍調安侯世高都
尉佛調釋梵為晉實得其體斯已難繼後之
傳者雖不能審猶常貴其實粗得錢趣始者維
祇難出自天竺以黃武三年來適武昌僕從
受此五百偈本請其同道竺將炎為譯將炎
雖善天竺語未備曉漢其所傳言或得梵語
或以義出音近質直僕初嫌其為詞不雅維
祇難曰佛言依其義不用飾取其法不以嚴
其傳經者令易曉勿失厥義是則為善座中

咸曰老氏稱美言不信信言不美仲尼亦云
書不盡言言不盡意明聖人意深邃無極今
傳胡義實宜徑達是以自竭受譯人口因順
本旨不加文飾譯所不解即闕不傳故有脫
失多不出者然此雖詞朴而旨深文約而義
博事均衆經章有本故句有義說其在天竺始
進業者不學法句謂之越序此乃始進者之
洪漸深入者之奧蘧也可以啓蒙辯誠誘人
自立學之功微而所包者廣寔可謂要也哉
昔傳此時有所不出會將炎來更從諮聞受
此偈等復得十三品并校往古有所增定第
其品目合爲一部三十九篇大凡偈七百五十二

章都凡一萬四千五百庶有補益共廣聞焉

佛說法句經卷上

尊者法救撰

吳天竺沙門維祇難等譯

無常品第一

二十有一章無常品者寤歆昏亂榮命難保

唯道是真

睡眠解寤

宜歡喜息

聽我所說

撰集佛言

所行非常

謂興衰法

夫生輒死

此滅為樂

譬如陶家

埏埴作器

一切要壞

人命亦然

如河駛流

往而不返

人命如是

逝者不還

譬人操杖

行牧食牛

老死猶然

亦養命去

千百非一

族姓男女

貯聚財產

無不衰喪

生者日夜 命自攻削 壽之消盡 如榮穿水
常者皆盡 高者亦墮 合會有離 生者有死
衆生相尅 以喪其命 隨行所墮 自受殃福
老見苦痛 死則意去 樂家縛獄 貪世不斷
咄嗟老至 色變作耄 少時如意 老見蹈籍
雖壽百歲 亦死過去 為老所壓 病條至際
是日已過 命則隨滅 如少水魚 斯有何樂
老則色衰 所病自壞 形敗腐朽 命終自然
是身何用 恒漏臭處 為病所困 有老死患
嗜欲自恣 非法是壞 不見聞變 壽命無常
非有子恃 亦非父兄 為死所迫 無親可怙
晝夜慢惰 老不止姪 有財不施 不受佛言

有此四弊 為自侵欺

非空非海中

非入山石間

無有地方所

脫之不受死

是務是吾作

當作今致是

人為此躁擾

履踐老死憂

知此能自淨

如是見生盡

比丘厭魔兵

從生死得度

法句經教學品第二

二十有九章教學品者導以所行釋己愚猜

得見道明

咄哉何為寐

蝟螺蚌蠹類

隱蔽以不淨

迷惑計為身

焉有被斫瘡

心而嬰疾痛

遘于眾厄難

而反為用眠

思而不放逸

為仁學仁迹

從是無有憂

常念自滅意

正見學務增 是為世間明 所生福千倍
終不墮惡道

莫學小道 以信邪見 莫習放蕩 令增欲意

善修法行 學誦莫犯 行道無憂 世世常安

敏學攝身 常順斯言 是到不死 行滅得安

非務勿學 是務宜行 已知可念 則漏得滅

見法利身 夫到善方 知利建行 是謂賢明

起覺義者 學滅以固 着滅自恣 損而不興

是向以強 是學得中 從是解義 宜憶念行

學先斷母 率君二臣 廢諸營從 是上道人

學無多類 不得善友 寧獨守善 不與愚偕

樂戒學行 奚用伴為 獨善無憂 如空野焉

戒聞俱善 二者孰賢 方戒稱聞 宜諦學行
學先護戒 閑閑必固 施而無受 力行勿卧
若人壽百歲 邪學志不善 不如生一月
精進受正法 若人壽百歲 奉火修異術
不如須臾敬 事戒者福勝 能行說之可
不能勿空語 虛偽無誠信 智者所屏棄

學當先求解 觀察別是非 受誦應誨彼
慧然不復惑 被髮學邪道 草衣內貪濁
矇矇不識真 如聾聽五音 覺能捨三惡
以藥消眾毒 健夫度生死 如蛇脫故皮
學而多聞 持戒不失 滿世見譽 所影者得
學而寡聞 持戒不完 滿世受痛 喪其本影

夫學有二常親多聞安諦解義雖困不邪
穉穉害禾多歆妨學耘除衆惡成收必多
慮而後言辭不強梁法說義說言而莫違
善學無犯畏法曉誌見微知著戒無後患
遠捨罪福務成梵行終身自攝是名善學
多聞品第三

十有九章多聞品者亦勸文學積聞成聖自
致正覺

多聞能持固	奉法為垣墻	精進難喻毀
從是戒慧成	多聞令志明	已明智慧增
智則博解義	見義行法安	多聞能除憂
能以定為歡	善說甘露法	自致得涅槃

聞為知法律

解疑亦見正

從聞捨非法

行到不死處

為能師思道

解疑令學明

亦興清淨本

能奉持法藏

能攝為解義

解則義不穿

受法猗法者

從是疾得安

若多少有聞

自大以憍人

是如盲執燭

照彼不自明

夫求爵位財

尊貴昇天福

辯決世間悍

斯聞為第一

帝王聘禮聞

天上天亦然

聞為第一藏

取富齎力強

智者為聞屈

好道者亦樂

王者盡心事

雖釋梵亦然

仙人尚敬聞

况貴巨富人

是以慧為貴

可禮無過是

事日為明故

事父為恩故

事君以力故

聞故事道人

人為命事醫

欲勝依豪強

法在智慧處

福行世世明

察友在為謀

別伴在急時

觀妻在房樂

欲知智在說

聞能今世利

妻子昆弟友

亦致後世福

積聞成聖智

是能散憂恚

亦除不祥衰

欲得安隱吉

當事多聞者

斫割無過憂

射箭無過愚

是壯莫能拔

唯從多聞除

盲從是得眼

闇者從得燭

示導世聞人

如目將無目

是故可捨癡

離慢豪富樂

務學事聞者

是名積聚德

篤信品第四

十有八章篤信品者立道之根果於見正行

不回顧

信慙戒意財

是法雅意譽

斯道明智說

如是昇天世

愚不修天行

亦不譽布施

信施助善者

從是到彼安

信者真人長

念法所住安

近者意得上

智壽壽中賢

信能得道

法致滅度從聞得智

所到有明

信能度淵

攝為船師精進除苦

慧到彼岸

士有信行

為聖所譽樂無為者

一切縛解

信之與戒

慧意能行健夫度志

從是脫淵

信使戒誠

亦受智慧在在能行

處處見養

比方世別

慧信為明是財上寶

家產非常

欲見諸真

樂聽講法能捨慳垢

此之為信

信能渡河 其福難奪 能禁止盜 野沙門樂

無信不習 好剝正言 如拙取水 掘泉揚泥

賢夫習智 樂仰清流 如善取水 思今不擾

信不染他 唯賢與人 可好則學 非好則遠

信為我輿 莫知我載 如大象調 自調最勝

信財戒財 慙愧亦財 聞財施財 慧為七財

從信守戒 常淨觀法 慧而利行 奉教不忘

生有此財 不問男女 終已不貧 賢者識真

戒慎品第五

十有六章戒慎品者授與善道禁制邪非後

無所悔也

人而常清奉律至終 淨修善行 如是戒成

慧人護戒 福致三寶 名聞得利 後上天樂

常見法處 護戒為明 得成真見 輦中吉祥

持戒者安 今身無惱 夜卧恬淡 寤則常歡

修戒布施 作福為福 從是適彼 常到安處

何終為善 何善安止 何為人寶 何盜不取

戒終老安 戒善安止 慧為人寶 福盜不取

比丘立戒 守攝諸根 食知自節 悟意令應

以戒降心 守意正定 內學止觀 無忘正智

明哲守戒 內思正智 行道如應 自清除苦

蠲除諸垢 盡慢勿生 終身求法 勿暫離聖

戒定慧解 是當善惟 都已離垢 無禍除有

看解則度 餘不復生 越諸魔界 如日清明

狂惑自恣已常外避 戒定慧行 求滿勿離
持戒清淨心不自恣 正智已解 不覩邪部
是往吉處 為無上道 亦捨非道 離諸魔界
惟念品第六

十有二章惟念品者守微之始內思安般必
解道紀

出息入息念

具滿諦思惟

從初竟通利

安如佛所說

是則照世間

如雲解月現

起止學思惟

坐卧不廢忘

比丘立是念

前利後則好

始得終必勝

誓不覩生死

若現身所念

六更以為寂

比丘常一心

便自知泥洹

已有是諸念

自身常建行

若其不如是

終不得意行

是隨本行者

如是度愛勞

若能悟意念

知解一心樂

應時等行法

是度生死惱

比丘悟意行

當令應是念

諸欲生死棄

為能作苦際

常當聽微妙

自覺悟其意

能覺者為賢

終始無所會

以覺意能應

日夜務學行

當解甘露要

令諸漏得盡

夫人得善利

乃來自歸佛

是故當晝夜

常念佛法眾

已知自覺意

是為佛弟子

常當晝夜念

佛與法及僧

念身念非常

念戒布施德

空不願無相

晝夜當念是

慈仁品第七

五經本行卷

十有九章慈仁品者是謂大仁聖人所履德並且無量
爲人不殺 常能攝身 是處不死 所適無患
不殺爲仁 慎言守心 是處不死 所適無患
彼亂已整 守以慈仁 見怒能忍 是爲梵行
至誠安徐 口無麁言 不瞋彼所 是謂梵行
垂拱無爲 不害衆生 無所嫉惱 是應梵行
常以慈哀 淨如佛教 知足知止 是度生死
少欲好學 不惑於利 仁而不犯 世上所稱
仁壽無犯 不興變快 人爲詳擾 慧以嘿安
普愛賢友 哀加衆生 常行慈心 所適者安
仁儒不邪 安止無憂 上天衛之 智者樂慈
晝夜念慈 心無尅伐 不害衆生 是行無仇

不慈則殺 違戒言忘 愚不施與 不觀衆生
酒致失志 為放逸行 後墮惡道 無修不真
履仁行慈 博愛濟衆 有十一譽 福常隨身
卧安覺安 不見惡夢 天護人愛 不毒不兵
水火不喪 在所得利 死昇梵天 是為十一
若念慈心 無量不廢 生死漸薄 得利度世
仁無亂志 慈最可行 愍傷衆生 此福無量
假令盡壽命 勤事天下人 象馬以祠天
不如行一慈

言語品第八

十有二章言語品者所以戒口發說談論當
用道理

惡言罵詈慢陵憊人興起是行疾怨滋生
遜言順辭尊敬於人棄結忍惡疾怨自滅
夫士之生芥在口中所以斬身由其惡言
諍為少利如掩失財從彼致諍今意向惡
譽惡惡所譽是二俱為惡好以口快鬪
是後皆無安無道墮惡道自增地獄苦
遠愚修忍意念諦則無犯從善得解脫
為惡不得解善解者為賢是為脫惡惱
解自挹損惡不躁言得中義說如法說
是言柔軟甘是以言語者必使已無患
亦不尅衆人是為能善言言使意投可
亦令得歡喜不使至惡意出言衆悉可

至誠甘露說

如法而無過

諦如義如法

是為近道立

說如佛言者

是吉得滅度

為能作法際

是謂言中上

雙要品第九

二十有二章雙要品者兩兩相明善惡有對

舉義不單

心為法本

心尊心使

中心念惡

即言即行

罪苦自追

車轆為轍

心為法本

心尊心使

中心念善

即言即行

福樂自追

如影隨形

隨亂意行

拘愚入冥

自大無法

何解善言

隨正意行

開解清明

不為妬嫉

愍達善言

慍於怨者

未嘗無怨

不慍自除

是道可宗

不好責彼 務自省身 如有知此 永滅無患
行見行淨 不攝諸根 飲食不節 慢隨怯弱
為邪所制 如風靡草 觀身不淨 能攝諸根
食知節度 常樂精進 不為邪動 如風大山
不吐毒態 欲心馳騁 未能自調 不應法衣
能吐毒態 戒意安靜 降心已調 此應法衣
以真為偽 以偽為真 是為邪計 不得真利
知真為真 見偽知偽 是為正計 必得真利
蓋屋不密 天雨則漏 意不惟行 姪洩為穿
蓋屋善密 雨則不漏 攝意惟行 姪洩不生
鄙夫染人 如近臭物 漸迷習非 不覺成惡
賢夫染人 如附香熏 進智習善 行成絜芳

造憂後憂 行惡兩憂 後憂惟懼 見罪心慄

造喜後喜 行善兩喜 彼喜惟歡 見福心安

今悔後悔 為惡兩悔 厥為自殃 受罪熱惱

今歡後歡 為善兩歡 厥為自祐 受福悅豫

巧言多求 放蕩無戒 懷姪怒癡 不惟止觀

聚如群牛 非佛弟子 時言少求 行道如法

除姪怒癡 覺正意解 見對不起 是佛弟子

放逸品第十

有二十章放逸品 者引律戒情防邪檢失

以道勸賢

戒為甘露道 放逸為死徑 不貪則不死

失道為自喪 慧智守道勝 終不為放逸

不貪致歡喜 從是得道樂 常當惟念道
自強守正行 健者得度世 吉祥無有上
正念常興起 行淨惡易滅 自制以法壽
不犯善名增 發行不放逸 約已自調心
慧能作錠明 不返冥淵中 愚人意難解
貪亂好諍訟 上智當重慎 護斯為寶尊
莫貪莫好諍 亦莫嗜欲樂 思心不放逸
可以獲大安 放逸如自禁 能覺之為賢
已昇智慧閣 去危為即安 明智觀於愚
譬如山與地 居亂而身正 彼為獨覺悟
是力過師子 棄惡為大智 睡眠重若山
癡冥為所弊 安卧不計苦 是以常受胎

不為時自恣

能制漏得盡

自恣魔得便

如師子搏鹿

能不自恣者

是為戒比丘

彼思正淨者

常當自護心

比丘謹慎樂

放逸多憂慙

變諍小致大

積惡入火焚

守戒福致善

犯戒有懼心

能斷三界漏

此乃近泥洹

若前放逸

後能自禁是照世間

念定其宜

過失為惡

追覆以善是照世間

念善其宜

少壯捨家

盛修佛教是照世間

如月雲消

人前為惡

後止不犯是照世間

如月雲消

生不施惱

死而不感是見道悍

應中勿憂

斷濁黑法

學惟清白度淵不反

棄猗行止

不復染樂欲斷無憂

心意品第十一

十有二章心意品者說意精神雖空無形造
作無竭

意使作狗難護難禁慧正其本其明乃大
輕躁難持唯欲是從制意為善自調則安

意微難見隨欲而行慧常自護能守即安
獨行遠逝寢藏無形損意近道魔繫乃解
心無住息亦不知法迷於世事無有正智

念無適止不絕無邊福能遏惡覺者為賢
佛說心法雖微非真當覺逸意莫隨放心
見法寂安所願得成慧護微意斷苦因緣

有身不久 皆當歸土 形壞神去 寄住何貪
心豫造處 往來無端 念多邪嬖 自為招惡
是意自造 非父母為 可勉向正 為福勿回
箴六如龜 防意如城 慧與魔戰 勝則無患
華香品第十二

十有七章華香品者明學當行因華見實使

偽反真

孰能擇地 捨鑑取天 誰說法句 如擇善華

學者擇地 捨鑑取天 善說法句 能採得華

知世坏喻 幻法忽有 斷魔華敷 不覩生死

見身如沫 幻法自然 斷魔華敷 不覩生死

身病則痿 若華零落 死命來至 如水湍聚

貪欲無厭 消散人念 邪致之財 為自侵欺
如蜂集華 不嬌色香 但取味去 仁入聚然
不務觀彼 作與不作 常自省身 知正不正
如可意華 色好無香 吾語如是 不行無得
如可意華 色美且香 吾語有行 必得其福
多作寶華 結瑤瑤綺 廣積德者 所生轉好
琦草芳花 不逆風熏 近道敷開 德人遍香
拚檀多香 青蓮芳花 雖曰是真 不如戒香
華香氣微 不可謂真 持戒之香 到天殊勝
戒具成就 行無放逸 定意度脫 長離魔道
如作田溝 近于大道 中生蓮華 香潔可意
有生 死然 凡夫處邊 慧者樂出 為佛弟子

闇愚品第十三

二十有一章闇愚品者將以開矇故陳其然
欲使闇明

不寐夜長疲倦道長愚生死長莫知正法
癡意常冥逝而流川在一行疆獨而無偶
愚人着數憂戚久長與愚居苦於我由怨

有子有財愚惟汲汲我且非我何有子財
暑當止此寒當止此愚多與慮莫知來變
愚矇愚極自謂我智愚而勝智是謂極愚
頑闇近智如瓢斟味雖久狎習猶不知法
開達近智如舌嘗味雖須臾習即解道要
愚人施行為身招患快心作惡自致重殃

行為不善 退見悔吝 致涕流面 報由宿習

行為德善 進覩歡喜 應來受福 喜笑玩習

過罪未熟 愚以恬淡 至其熟時 自受大罪

愚所望處 不謂適苦 臨墮危地 乃得不善

愚蠢作惡 不能自解 殃追自焚 罪成熾然

愚好美食 日月滋甚 於十六分 未一思法

愚生念慮 至終無利 自招刀杖 報有印章

觀處知其愚 不施而廣求 所墮無道智

往往有惡行 遠道近欲者 為食在學名

貪倚家居故 多取供異性 學莫墮三望

莫作家沙門 貪家違聖教 為後自匱乏

此行與愚同 但令歆慢增 利求之彫異

求道意亦異 是以有識者 出為佛弟子
棄受捨世習 終不墮生死

明哲品第十四

十有七章明哲品者學念行者修福進道法
為明鏡

深觀善惡心知畏忌畏而不犯終吉無憂
故世有福念愚紹行善致其願福祿轉勝
信善作福積行不厭信知陰德久而必彰
常避無義不親愚人思從賢友狎附上士
喜法即安心悅意清聖人演法慧常樂行
仁人智者齋戒奉道如星中月照明世閒
弓工調角水人調舩巧匠調木智者調身

譬如厚石風不能移 智者意勤毀譽不傾
譬如深淵澄靜清明 慧人聞道心淨歡然
大人禮無欲 在所昭然明 雖或遭苦樂
不高現其智 大賢無世事 不願子財國
常守戒慧道 不貪邪富貴 智人智動搖
譬如沙中樹 多有志求強 隨色染其素
世皆度淵 解剋度岸 如或有人 欲度必奔
誠貪道者 賢受正教 此近彼岸 脫死爲上
斷五陰法 靜思智慧 不及入淵 棄倚其明
抑制情欲 絕樂無爲 能自拯濟 使意爲慧
學取正智 意惟正道 一心受諦 不起爲樂
漏盡習除 是得度世

羅漢品第十五

有十章羅漢品者真人性脫欲無着心不渝變
去離憂患脫於一切縛結已解今而無孺
心淨得念無所貪樂已度癡淵如鴈棄池
量腹而食無所藏積心空無想度衆行地
如空中鳥遠逝無礙世閒習盡不復仰食
虛心無患已致脫處譬如飛鳥暫下輒逝
制根從正如馬調御捨憍慢習為天所敬
不怒如地不動如山真人無垢生死世絕
心已休息言行亦正從正解脫寂然歸滅
棄欲無着缺三界障望意已絕是說上人
在聚在野平地高岸應真所過莫不蒙祐

彼樂空閑衆人不能快哉無姪無所欲求
述千品第十六

十有六章述千品者示學者徑多而不要不如約明
雖誦千言句義不正不如一要聞可滅意
雖誦千章不義何益不如一義聞行可度
雖多誦經不解何益解一法句行可得道

千千爲敵一夫勝之未若自勝爲戰中上
自勝最賢故曰人雄護意調身自損至終
雖曰尊天神魔梵釋皆莫能勝自勝之人
月千反祠終身不輟不如須臾一心念法
一念道福勝彼終身雖終百歲奉事火祠
不如須臾供養三尊一供養福勝彼百千

祭神以求福

從後觀其報

四分未望一

不如禮賢者

能善行禮節

常敬長老者

四福自然增

色力壽而安

若人壽百歲

遠正不持戒

不如生一日

守戒正意禪

若人壽百歲

邪偽無有智

不如生一日

一心學正智

若人壽百歲

懈怠不精進

不如生一日

勉力行精進

若人壽百歲

不知成敗事

不如生一日

見微知所忌

若人壽百歲

不見甘露道

不如生一日

服行甘露味

若人壽百歲

不知大道義

不如生一日

學惟佛法要

惡行品第十七

四分未望一

二十有二章惡行品者感切惡人動有罪報不得無患
見善不從 反隨惡心 求福不正 反樂邪淫
凡人為惡 不能自覺 愚癡快意 令微孽壽
凶人行虐 沉漸數數 快欲為人 罪報自然
吉人行德 相隨積增 甘心為之 福應自然
妖孽見福 其惡未熟 至其惡熟 自受罪酷
貞祥安禍 其善未熟 至其善熟 必受其福
擊人得擊 行怨得怨 罵人得罵 施怒得怒
世人無聞 不知正法 生此壽少 何宜為惡
莫輕小惡 以為無殃 水滴雖微 漸盈大器
凡罪充滿 從小積成 莫輕小善 以為無福
水滴雖微 漸盈大器 凡福充滿 從纖纖積

夫士為行好之與惡各自為身終不敗士

好取之士自以為可沒取彼者人亦沒之

惡不即時如搆牛乳罪在陰伺如灰覆火

戲笑為惡已作身行號泣受報隨行罪至

作惡不起如兵取截牽往乃知已墮惡行

後受苦報如前所習如毒摩瘡船入洄瀆

惡行流憊靡不傷尅

如惡誣同人清白猶不汙愚殃反自及

如塵逆風空過失犯非惡能追悔為善

是明照世間如日無雲曠大士以所行

然後身自見為善則得善為惡則得惡

有識墮胞胎惡者入地獄行善上昇天

無為得泥洹

非空非海中

非隱山石間

莫能於此處

避免宿惡殃

衆生有苦惱

不得免老死

唯有仁智者

不念人非惡

刀杖品第十八

十有四章刀杖品者教習慈仁無行刀杖賊
害衆生

一切皆懼死

莫不畏杖痛

恕己可為譬

勿殺勿行杖

能常安群生

不加諸楚毒

現世不逢害

後世長安隱

不當麁言

言當畏報惡往禍來

刀杖歸驅

出言以善

如叩衆磬身無議論

度世則易

毆杖良善

妄讒無罪其殃十倍

灾迂無救

生受酷痛 形體毀折 自然惱病 失意恍惚
人所誣枉 或縣官厄 財產耗盡 親戚離別
舍宅所有 炎火焚燒 死入地獄 如是爲十
雖裸剪髮 被服草衣 沐浴踞石 奈疑結何
不伐殺燒 亦不求勝 仁愛天下 所適無怨
世儻有人 能知慚愧 是名誘進 如策良馬
如策善馬 進道能遠 人有信戒 定意精進
受道慧成 便滅衆苦
自嚴修以法 減損受淨行 杖不加群生
是沙門道人 無害於天下 終身不遇害
常慈於一切 孰能以爲怨
老耄品第十九

十有四章老耄品者誨人勤力不與命競老
悔何益

何喜何笑 念常熾然 深蔽幽冥 如不求定

見身形範 已以為安 多想致病 豈知不真

老則色衰 病無光澤 皮緩肌縮 死命近促

身死神徙 如御棄車 肉消骨散 身何可怙

身為如城 骨幹肉塗 生至老死 但藏恚慢

老如形變 喻如故車 法除能苦 宜以力學

人之無聞 老若特牛 但長肌肥 無有福慧

生死無聊 往來艱難 意倚貪身 生苦無端

慧以見苦 是故棄身 滅意斷行 受盡無生

不修梵行 又不富財 老如白鷺 守思空池

既不守戒 又不積財 老羸氣竭 思故何逮

老如秋葉 行穢鑑錄 命盡脫至 乏用後悔

命歆日夜盡 及時可勤力 世間諦非常

莫惑墮冥中 當學燃意燈 自練求智慧

離垢勿染汗 執燭觀道地

愛身品第二

十有四章愛身品者所以勸學終有益已滅

罪興福

自愛身者 慎護所守 希望歆解 學正不寐

身為第一 常自勉學 利乃誨人 不倦則智

學先自正 後如正人 調身入慧 必遷為上

身不能利 安能利人 心調體正 何彰不正

本我所造 後我自受 為惡自更 如鋼鑽珠

人不持戒 滋蔓如藤 逞情極欲 惡行日增

惡行危身 愚以為易 善最安身 愚以為難

如真人教 以道法身 愚者病之 見而為惡

行惡得惡 如種苦種 惡自受罪 善自受福

亦各須熟 彼不自伐 習善得善 亦如種甜

自利利人 益而不費 欲知利身 戒聞為寂

如有自愛 欲生天上 敬樂聞法 當念佛教

凡用必豫慮 勿以損所務 如是意日修

事務不失時 夫治事之士 能至終成利

直見身應行 如是得所欲

世俗品第二十一

十有四章世俗品者說世幻夢當捨浮華勉情
道用

如車行道捨平大塗從邪徑敗生折軸憂

離法如是從非法增愚守至死亦有折患

順行正道勿隨邪業行法卧安世世無患

百物為泡意如野馬居世若幻奈何樂此

若能斷此伐其樹根日夜如是必至于定

一施如信如樂之人或從惱意以飯食衆

此輩日夜不得定意世俗無眼莫見道真

如少見明當養善意如鴈將群避羅高翔

明人道世度脫邪衆世皆有死三界無安

諸天雖樂福盡亦喪觀諸世間無生不終

欲離生死 常行道真 癡覆天下 貪令不見

邪疑却道 苦愚行是 一法脫過 謂妄語人

不免後世 靡惡不更

雖多積珍寶 崇高至于天 如是滿世閒

不如見道跡 不善像如善 愛如似無愛

以苦為樂像 狂夫為所致

法句經卷上

歎

阿含 下音 鈔 楚教 靡 緬彼反 斟酌 針音 粗 反 寸 百

略也 深邃 下私 包 必交 陶家 上音 挑燒 埏

埴 上詩 然反 柔也 駛流 上使 史二 操杖 上七

也 執 牧 放音 目 榮 穽 下音 淨 咄 嗟 骨反 耄 老莫 一到 反也

蹈藉上音盜下壓音押恃音市怙音戶躁擾上則

煩復踐下音賤寐密二反翁羸下螺字同翁羸

名蠚蠚能舊音以別蟲為己之子也即非蠚類也

蝱蠹今上蒲頃反意蝱螺皆是多睡之蟲蠚尾蟲與

如蝱恐亦今詳經意必祭反斫創下瘡嬰抱一盈反

邁古候反閉閉字仇力音屏棄上音餅字除窳寡瓦古

反少也完全也反穉稗上音蒂下蒲賣反耘

除上音草也云也認音忌誠垣音園猗音倚炤音照悍音汗

聘正併反也朝問也贅力上音媯音逶淵烏玄反湫泉

上音骨流也恬淡上徒添反一蠲除上俱玄反

見弩下正怒怯弱上苦若反仇音怨祠天上詞祭

也莫結遜蘇問也反斧音甫馳騁下日領反貞

也莫結遜蘇問也反斧音甫馳騁下日領反貞

車輓下音落輓也軼相余二也反車也愠紆也運反靡草

上緬彼反毒能代下他媼反媼反洑二也同同反鄙碑美

懼其預反嗜欲上音視搏音博也反慙去也反

弊蔽必祭反拵也隱也感憂也闕視也反也

坏疋回反瓦反帝滴疆強耦偶汲音瓢步反也

狎習上胡甲悔恹若上呼每反下反愚蠢降反也

渝變上音俞煖音徑古定輟知也反死凶

敵徒的反也行虐魚約妖嬖下魚列反也罪

酷下苦篤反也織息廉反也如構下也反亦取也也

輕罔下作全蒲悶反也雲暄下也反也計反也政杖

上烏口反妄讒下也反迂雲俱切也也酷痛上苦

毒也恍物上亦作况無往反也誣枉上音也無也裸

魯果反
體也
踞坐上也
音據
陰伺寺下相
世黨明下他
深

蔽作弊
同前
形範犯
肌縮所上音
飢減也
肉下
徒

所綺反
骨幹且下古
肌肥非下房
無聊下力彫
老

羸下力垂
鑑字鑿
晞望上正作
希鑽珠上子
滋

蔓上音茲
藤音騰
逞丑迥
翔音祥



